



იყავი ამქვეყნად ისე, თითქოს უცხოელი ან მოგზაური ხარ

აბდულლაჰ იბნ უმარისგან, დაე, ალლაჰი კმაყოფილი იყოს მათით, გადმოცემულია:
 «ალლაჰის მოციქულმა (ალლაჰის ლოცავა და მშვიდობა მას) მე მხარზე ხელი დამადო და
 მითხრა: «იყავი ამქვეყნად ისე, თითქოს უცხოელი ან მოგზაური ხარ». აბდულლაჰ იბნ უმარი,
 დაე, ალლაჰი კმაყოფილი იყოს მათით, აგრძელებს: «როცა სალამო მოვა, ნუ ელოდები
 დილას, ხოლო როცა დილა მოვა, ნუ ელოდები სალამოს. ისარგებლე შენი ჯანმრთელობით,
 სანამ სნეულება არ დაგენწევა, და შენი სიცოცხლით, სანამ სიკვდილი არ მოგისწრებს».

[სანდო (საჰიჰ)] [გადმოსცა ალ-ბუხარიმ]

აბდულლაჰ იბნ უმარი, დაე, ალლაჰი კმაყოფილი იყოს მათით, გადმოსცემს, რომ მოციქულმა
 (ალლაჰის ლოცვა და მშვიდობა მას) მხარზე ხელი დაადო — მხრისა და წინამხრის შეერთების
 ადგილზე — და უთხრა: "იყავი ამქვეყნად, როგორც უცხოელი". ეს ნიშნავს, რომ უცხოელი
 შეიძლება ჩავიდეს ქალაქში, სადაც მას არ აქვს საკუთარი სახლი თავშესაფრად და არც
 მაცხოვრებლები, რომლებიც მას დაამშვიდებენ. იგი თავისუფალია ოჯახური და მატერიალური
 მიჯაჭვულობებისგან, რომლებიც ყურადღებას აშორებენ შემოქმედს. მაგრამ უფრო მეტი
 სიფრთხილე მოითხოვე საკუთარ თავს, ვიდრე უცხოელს, როგორც მოგზაურს, რომელიც გზას
 კვეთს და მიისწრაფვის საკუთარი სახლისკენ. რადგან უცხოელი შესაძლოა დარჩეს უცხო
 ქვეყანაში და იქ დასახლდეს, განსხვავებით მოგზაურისგან, რომელიც გარკვეულ მიზანს
 ესწრაფვის. მოგზაური ცდილობს შეამციროს თავისი ბარგი, არ გაჩერდეს გზაში და რაც შეიძლება
 სწრაფად მიაღწიოს საკუთარ სახლს. ისევე, როგორც მოგზაურს არ სჭირდება იმაზე მეტი, რაც მას
 თავისი მოგზაურობის მიზნის მისაღწევად დაეხმარება, ასევე მორწმუნეს არ სჭირდება ამ
 ცხოვრებაში იმაზე მეტი, რაც მას საბოლოო დანიშნულების ადგილამდე — სამოთხემდე —
 მიიყვანს. იბნ უმარი ამ დარიგებას მიჰყვებოდა და ამბობდა: «როცა დილა მოვა, ნუ ელოდები
 სალამოს, ხოლო როცა სალამო მოვა, ნუ დაელოდები დილას. მიიჩნიე თავი საფლავის
 ბინადართა შორის». ეს იმითომ, რომ ცხოვრება მუდმივად იცვლება ჯანმრთელობასა და
 ავადმყოფობას შორის. ამითომ, იჩქარე, რომ გამოიყენო ჯანმრთელობის დღეები ალლაჰისადმი
 თაყვანისცემისთვის, სანამ სნეულება დაგენწევა. ისარგებლე შესაძლებლობით, რომ შეასრულო
 კეთილი საქმეები, სანამ ჯანმრთელი ხარ, რადგან ავადმყოფობა შეიძლება გახდეს დაბრკოლება
 შენსა და ამ საქმეებს შორის. გამოიყენე შენი ცხოვრება ამქვეყნად, რათა შეაგროვო ის, რაც
 სიკვდილის შემდეგ სარგებელს მოგიტანს.

النجاة الخيرية
ALNAJAT CHARITY

